

疏  
卷

清  
陰  
集

六







清陰先生集卷之十八

疏劄二十五首

大司諫辭勲劄戊辰正月

伏以臣早詣闕下觸冷膏痛不得進參鞠歷徑歸私室當此討逆方嚴之日每以賤疾干瀆宸聰揆以邦憲罪難逭訴仍竊伏聞昨日勸勲時臣名亦在其中臣慚愧悚慄若無所容今此逆徒之不得逞兇實賴天地之陰隲祖宗之默佑國家之洪福豈區區人力所可及者哉雖然首告者不可不賞而至於鞠廳諸臣其間亦不無糾別



爲淑問由於大臣監檢在於禁府出納關於承旨  
爰書傳於問事各有其任猶可爲諉也諫院之官  
不過備貲守位以存事體初無一毫干預之事未  
知臣何從而得之也山河帶礪策名盟府是何等  
重事而虛施冒受以啓僥倖之門乎況臣叅預鞫  
獄董董十七日子雖日課時紀猶不滿尺寸之長  
自古安有如此而得叅勲籍者乎臣雖無狀稍有  
廉恥不敢覲顏以辱 清朝伏願 聖明俯諒微  
懇亟 命適臣本職削臣勲名以正適愆之罪以  
重錄勲之舉臣言出肝鬲不避瀆擾無任惶恐戰



灼之至取進止

憲府時弊劄

三月

臣等竊惟民心之危疑慘於敵國之禍下情之鬱抑甚於土崩之患危者不使之安疑者不使之定則民必亂鬱者不使之宣抑者不使之平則下必離自古人君身遭禍敗宗廟不保者皆由不察乎此也恭惟我主上殿下聰明神武首出庶物如日月之無不照如元氣之無不運至於聖賢訓誡之辭前代治亂之跡亦無不講明而察覽焉雖古之哲后明辟何以過此奈何國有大變萬民危疑



百偕伏 閣羣情憂鬱安危之機間不容髮而講  
明於常日者臨事而反惑察覽於已往者當前而  
反迷 堅持私意久遏公論危疑者將轉而從亂  
鬱抑者漸激而離散成形之禍迫於呼吸不測之  
變擬於朝夕中外遑遑小大莫保而 殿下深居  
九重端拱淵嘿不 親謀於大臣不 面諭於臺  
諫但以紙札出納文字酬應自以為弭亂消禍之  
善計臣等不勝痛悶焉 殿下自視今之國勢何  
如民心何如外則虜使交轍邊虞萬端毛帥狠忿  
詖言恐喝內則血海蟻戰之變現於珍島兇徒再



逞之說果應變告近而交通園內之姦或慮潛伏  
於宮闈大而渠魁主謀之兇或疑網漏於典刑  
腐心之憂愚智同然獨殿下未之深察也臣等  
不勝痛悶焉嗚呼上天仁愛之眷既已示警而  
殿下不素隄備祖宗陰佑之靈既已發姦而  
殿下不斷根柢庭臣忠正之言既已警陳而  
殿下未甯允從不知殿下之明孰為蔽之  
殿下之威孰為奪之而使國家終至於不可據之  
地耶臣等不勝痛悶焉伏願殿下上念宗社  
付託之重中憇羣臣鬱抑之情下察萬民危疑之



慮登進大臣無召臺閣 出御便殿 親諭 聖  
旨不通下情亟 賜處決毋失於機會毋安於危  
亂毋終致噬臍無及之悔 宗社幸甚臣民幸甚  
取進止

請虛心察理禮使臣下劄四月

臣聞人君之使臣也進之以禮退亦以禮可貴可  
賤可生可殺也而不可使之辱也古之帝王遇臣  
下如此故為其下者亦莫不以廉恥自礪名節自  
重寧為忠直而獲罪不願苟合而為榮上世之治  
俗以長厚世以清明實由於此也降及衰季上以



智數威刑御下下以阿諛保身為計誠信之道想  
詐偽之風起俗日偷薄世日淆亂亦由於此也伏  
惟聖明御世思反古道接遇臣鄰務推誠信羣  
下咸悅咸思自飭以仰承昭德奈何近年以來  
待下之道漸不如初不諒其心遽加威怒任職敢  
言者或惡其好訐當官盡心者反疑其自專迎合  
者輒蒙嘉獎忤旨者必見摧折不但大乖於好  
察之誼亦豈人君優容禮使之誼也臣竊見頃日  
徐涓之下獄權濤之削黜左所不安於輿情者然  
其不安者豈盡私厚於其人哉濤之心事雖不能



知挾私之迹未有顯著而身居諫職以言見黜深  
恐有歎於納汙之弘量也况徐渚之於金高嫉之  
已甚辭語之間人或謂其過當向者回 啓之辭  
雖有錯謬若謂之侮慢 君上則必非其情也

國家待耆老之臣禮貌殊隆而事非情犯罪枉僂  
辱遠近聞之孰不駭歎至於上堂諸臣明 朝廷  
已定之公論片一人偏執之私見者自是論思之  
地職分當為其間雖有過激不中之語悖出悖入  
咎有所執 殿下乃以輕躁目之無乃有傷於無  
偏之道乎 聖教一下羣心缺望薦紳無光氣象



索然其為 聖德之累豈不重哉臣竊為 殿下  
惜之伏願 殿下悔既往之非存將來之戒 虛  
心察理應物無偏益恢誠信之道更盡禮使之美  
以培臣下廉恥之風以終 盛朝清明之理 國  
事幸甚世道幸甚臣不勝區區之望取 進止

副提學辭免疏

五月

伏以臣蒙被 聖恩特出尋常諫垣 經帷纔蒞  
旋授自揆涯分萬不可堪而適會 國家艱虞之  
日願非臣子辭退之時前後冒昧不遑他恤第以  
今者同知春秋張維與臣相避而臣位在下理宜



減改竊考玉堂長官列於史局堂上考績黜陟之事靡不預聞由其如是故史官與承旨相避則減承旨春秋與副提學相避則適史官送西前例故事灼然明甚今乃以臣之故遂致史局缺一堂上祖宗創制官方一定彛章所係雖小難改況此館閣重地公論攸歸何敢首冒苟且之嫌輕壞先王之典以廢常職以招物議哉伏願 聖明重祖宗之官制察微臣之情勢 亟命速改臣本職以遂公私不勝幸甚臣無任激切屏營之至謹昧死以聞



都承旨辭免疏

同月

伏以臣疾病荐加人言重發拜恩未久輒上辭單臣雖愚昧豈不知分義之所不敢哉願臣情事實由於不獲已也臣竊見生負邊獐古上疏力詆趙綱等而其中有廷臣之老於黨論者上劄扶護而至謂因一國之公論是何不直如此乎云者是必指斥臣身也臣頃日伏聞玉堂諸臣劄辨崔鳴言議禮之論而聖批嚴斥縉紳之間莫不蹙然不安竊意其辭旨太過故臣之愚意恐有損於天地包荒之量思欲一言仰陳適忝諫垣職當言



責遂劄列數款無及茲事只出於區區補衮之  
微誠何嘗有救護趙綱等之意也况莫重典禮  
朝論已定有何一毫干涉於明黨之事而乃有偏  
黨不直之私乎其言之無理若此誠不足與較也  
雖然此未必辨吉少年輕肆之言其所謂大賢及  
與大賢同所見者之論大抵如此則亦何可謂之  
不足與較而甘心侮辱偃然在職重玷名器乎伏  
願聖明憐臣衰病已甚察臣事勢難容亟命  
鑄改臣職以謝人言以安愚分臣不勝惶恐戰灼  
之至謹昧死以聞



都承旨辭免上疏

六月

伏以臣之不幸被人詆斥情外之言愈往愈甚猥將危懇屢瀆宸嚴臣罪固大而實出於事勢之不獲已也惟聖明之垂察焉頃者有邊麟吉者上疏疏中一款顯指臣身臣不敢在公即為退出呈告乞免其疏之入不入非臣所得一毫干預者也翌日得見吏報始知在院同僚以其有悖慢之語不為捧入具啓願由聖批知道其不入啓了無關於語侵承旨之故也昨見右贊成李貴劄子有曰麟吉為師伸救語侵承旨政院措辭不



捧又曰壅蔽不納自此言路益蔽噫李貴告君  
父之言豈故為不實以快攻人之心乎必未知其  
時曲折而有此云云也雖然贊成重臣也壅蔽大  
罪也況其所引遠竄都承旨之說尤有不測底意  
臣安得晏然而已乎所當緘口籍藁恭俟 聖斷  
而第念臣所帶職務不可久曠伏乞 聖明亟命  
先削臣職以謝人言臣無任兢惶隕越之至謹昧  
死以聞

都承旨加資辭免劄

同月

伏以臣元氣大傷一身百體無不困惱奄奄如不



可顧而不敢告休。毘勉從事自十餘日來漸憊益甚。不得不冒呈辭。冀獲解職。調治不意聖恩復下。予告之。命感激惶悶。因知攸出。顧臣病根發於積衰。極弱之餘。醫藥之功。決難期以時月。近密出納之地。豈可緣臣之故。累日曠職。以廢公事哉。況臣猥蒙恩典。叨陞一資。國家設官品式。已定。臣是何人。破格違制。致臻成憲乎。假令臣貪榮冒居。苟進不退。其奈公議之指。笑清時之疵玷何哉。仍竊伏念臣曾參。鞠聽仁日最淺。備員進退。蔑有分寸之可紀。而改級變品。視他尤重。不



但聖明之世實有借賞之累臣之眇未必招過  
福之災以榮為懼若墜淵谷伏乞天地父母曲  
垂矜憐亟命適臣本職減臣新秩俾衰殘危喘  
得遂蘇息之願小罪微品免蹈盈溢之戒則公  
朝幸甚私分幸甚臣不勝兢惶懇迫之至取進  
止

刑曹判書辭免劄八月

伏以臣本不材百無一長遭遇明時猥蒙謬  
恩數年之中遽陞峻秩靡暇啍感祗積慙懼鬼神  
害盈災孽荐降脚疾方劇眼病又發不得祇謝



新命冒呈辭單自知辜 恩負罪無所逃免不意  
聖量寬貸 反加異數非臣糜粉所能仰報第念  
臣之情事實有悶迫之懇 君父之前安敢不盡  
其所懷也自臣前世以來世受 國恩至于臣之  
兄弟而踰分極矣心常惴惴若臨淵谷今者臣之  
兄尚容見長春官而臣又冒玷秋曹 國有六卿  
臣之兄弟占據其二歷數朝臣 恩幸無比自念  
臣家有何絲毫補益於 國家而叨竊 榮寵至  
於此也俯仰蹙蹙無地措躬况臣所患睛痛出於  
肝臟之傷非朝夕見瘳之症獄訟之地不但審聽



辭語必須審察文案洞見其情偽曲直然後庶無  
濫枉之端臣精神內鑠耳目外弊以無才無能之  
身加不聰不明之譏百爾思之斷無可堪之理伏  
乞聖明曲察危忱俯從微懇許適臣職畀  
以閑秩使得優游保全於天地生成之內則一  
息猶存長是祝聖之日萬死無忘永圖結草之  
報臣不勝憂惶懇迫切祈之至取進止

同知成均辭免劄

已巳二月  
都承旨時

伏以臣以已試無用之才復叨匪據不稱之地  
殊恩異渥實出尋常臣徒懷感激不自揣量冒昧



出謝顛仆為期尸素瘵曠之誚固已無所逃免  
矣况臣兼帶同知成均館事雖非逐日執掌之務  
而有其職則必有其任顧不可自同於無事也今  
臣朝夕出納未遑他務虛帶官銜祇為身榮國  
家設官之意豈直使然哉自前本院之官不得兼  
帶他職如承文提調不是煩劇之任而例為減下  
者良以此也伏乞聖明俯諒微懇特命適臣  
兼帶同知成均以遂公私不勝幸甚臣無任惶恐  
踣蹶之至取進止

弘文提學辭免劄

同月



伏以臣昨奉教旨以臣兼帶弘文館提學臣聞命愧慄若無所容竊伏念大提學雖主文柄而其次即兩提學國家辭命間出其手討論潤色靡不與焉 歷朝以來最重茲選官不必備得人乃授上絕以杙代楹之譏下無血指汗顏之羞詞林有光藝術增闢夫豈如臣空疎者冒據之地哉臣本駑劣不及恒人加以少不彊學中年多病狗馬之齒荏苒衰邁文翰之任自知不似此乃臣之實狀人所共見者固不敢一毫飾讓也伏惟 聖鑑灼見器使羣材於其所短不為強責文武之士莫



不優游得所自幸其際遇之隆而獨於小臣責蚊  
負山憂惶狼狽日俟顛踣區區之望殆切於束縛  
者之求解也伏乞 聖慈察臣危懇諒臣至情  
亟命適臣新授弘文館提學以重名器以全微分  
公私幸甚取 進止

都承旨辭免疏

三月

伏以臣自昨夕前患眩暈復發迨其甚也開目視  
物發言出聲運身動足皆如駕舟入海恍惚難狀  
三者皆不能則雖有氣息實無生人之道豈非可  
哀也哉臣自少下血頃間尤甚衰年虛損得此重



症旬月之內差復無期伏乞 聖慈俯賜矜憐  
亟適臣職以遂公私臣所當循例呈辭非欲陳疏  
濫瀆而同僚受由在外臣又累日休告則朝夕出  
納之地曠職必多敢此冒昧陳乞尤不勝惶恐隕  
越之至謹昧死以聞

都承旨辭免再疏

司月

伏以臣賤疾暴發不堪供職冒疏煩籲恭竢適  
命不意 聖度寬容不加瀆擾之誅反下調理  
之教臣誠感激隕越所當力疾出仕而第臣所患  
之病非他症比少或運動發作無常恍然昏迷全



不省事如此而其能夙宵奔走朝夕出納乎嘆舌  
重地決非養病之坊伏乞 聖慈曲察危惘 亟  
賜遄免使微分獲安職事無廢公私幸甚臣不勝  
兢惶悶迫之至謹昧死以 聞

病中蒙被異數陳謝劄

四月

伏以無狀小臣衛生不良自貽僇傷奄然顛仆不  
意 聖慈哀而憐之太醫視疾內局 賜劑政院  
問 啓 殊恩異渥曠世罕見此豈微臣所敢承  
當者哉臣病中聞 命嚙感入骨不覺涕之霑襟  
也今臣蒙被 天地父母再生之德稍獲蘇醒漸



期差歇義當匍匐詣闕祗行肅謝而怔忡未  
定手脚戰掉瞻望天庭積日延旬辜負鴻私  
罪當萬誅方寸之內食息靡寧茲敢不避猥濫冒  
申卑悃尤不勝兢惶殞越之至取進止

時弊劄子先講要務至革弊政以紓民力以  
養軍兵事同年閏四月

伏以臣聞為政之道貴乎先審其要為政而不審  
其要則猶治病而不用對症之劑千方百藥反致  
損傷真元而終無食效之期也方今聖明憂勤  
於上內無聲色貨利之誘外絕土木遊畋之娛  
頻御經筵延問儒臣親決庶務宵旰孜孜大臣



色猶在而價已三倍轉輾增益無有窮已國者民之所依而為天者也國家之所為如此民安得不窮且怨也民情之舒慘度支使之也度支之寬苛朝廷使之也誠能是究是圖因時權制善變而得中則轉怨為悅以弱為強者庶幾在是矣若曰舊制何敢妄議前例豈容輕變不顧遠慮苟完目前漸至於民生益急事變愈多雖欲抹之亦將無及也法久而弊生則祖宗令典猶當汲汲改圖矧茲量出為入是乃得罪先王之法者而如是固執耶宜及此時亟令廟堂與度支之官會同貞固



幹事之臣先列歲入經費之數並錄不急冗食之  
負善為料量商加裁定使經費之數毋過於七萬  
贏餘之蓄常足於數萬以備國家不時之需永  
絕苟且無理之事而諸道官倉之儲次第清查可  
收者一切收入同饒豪右可蠲者並許蠲免與民  
推惠惟精惟覈不容虛偽少待豐稔先舉量田次  
正貢案以均賦役且令所在開曠膏腴之地廣設  
屯田得人分委其所得之穀無論多少盡領於度  
支以佐經費而無稅外加歛之暴則公私之蓄自  
有餘裕又察其勤於國事久於其職者或增官秩



盡瘁於下蚤入莫歸日以為常兼理百司之任食  
息靡暇士大夫皆欲立名節修行誼致躬於寡過  
之地監司守令皆欲蠲除徭賦務勝前政猶恐見  
非於民心求之上下似無害政之端而國勢日  
蹙民怨日深災變荐降敵國交侵環顧內外蕩然  
無一可賴而安者此何故歟自癸亥反正之後  
朝廷每以裁省為務而至今未見有實效者無他  
不知其要之病也御供不可減而減御供  
祭享不可減而減祭享然而國計之板蕩愈往  
愈甚欲為守邊則餽餉無粟欲為鍊兵則犒賞無



資至於禁中衛士輦下親兵過時之後始得脫粟畿內之民一年不登仰給於他道之私儲而不急之官冗食之徒存之無益於國去之無損於治者實為漏洩之尾閼此可謂裁省之得其要乎臣竊聞之度支歲入之數不過九萬零而經費之用常過於一十一萬故度支於每歲多方拮据務足二萬之數以供其費彼亦不能神設鬼辦徒白換色易目東遮西架或無中生有或以減為存意在欲利動拂民情當出米者則強使之出布當出布者則強使之出米畢竟自官勅定賤取貴售本



或倍俸祿以勸其忠以賞其勞居官者懷自重之心任事者無規避之圖上下相安民志不撓然後方可以論養兵之制矣 殿下若以此至誠求之至誠任之至誠行之必有忠亮之臣為 殿下盡心當事劈畫利國安民而不贊中興之業者矣 天佑東方泰運循環兵革不興民生奠枕復見太平之盛則漸復 祖宗之官制亦何難之有哉夫世之要務惟識遠者知之固非人人所可安陳而况大同纔設而旋罷號牌將行而遽停民情視國法如兒戲 聖心亦懲前事而憚改作此尤非輕



議變通之秋也雖然道有損益政有緩急因循之  
弊適及於難救之會則又安可一槩拘泥而不思  
膠柱之譏哉臣昏愚庸拙最居人下發言慮事動  
被譏議迂踈之談固知無補於要務而徒感不世  
之恩遇不自揣量冒貢塵陋伏願 聖明垂察  
焉臣無任慚惶悚惕之至取 進止

弘文館提學辭免再劄

右叅贊時  
七月

伏以臣以乞解兼帶弘文館提學事前後陳懇未  
蒙 恩命深懷悶蹙久益慚懼不得不更瀆 天  
聽臣罪萬死臣自前年來頓覺衰憊精神氣力日



以昏耗朝之所言夕已忘之夕之所為朝已忘之  
應接事物忽然茫昧軀殼雖存實同土木又自去  
月落傷之後重失神魂不能定志怔忡驚悸眩仆  
度日尋思舊學恍如夢寐如此而尚可虛帶華衞  
苟榮一身有若可堪其任者然哉夫設官任人將  
以待用無用之官謂之尸位詩人伐檀之刺深可  
戒也况今才華物望迥出臣右者不為不多舉以  
畀之寔允公議伏乞 聖明俯諒衷情匪出外讓  
亟命適臣提學之任公私不勝幸甚取 進止

論金差

招見禮講定錯謬劄

同年八月二十三日右叅



贊時

伏以臣病伏私室竊聞自 上招見金差時仲男  
許令倚坐不勝駭異初謂傳言之誤也及見備局  
啓辭謂仲男禽獸不可責以人理况汗以此致丁  
寧于蘭英爭而激怒不若許之於初云臣愚不通  
變竊未曉 廟堂之意也自 上招見鄰國之使  
其禮甚重不宜草草講定啓敵人凌侮之端而貽  
國家無窮之恥也仲男以禽獸自處而行禽獸之  
事則我亦以禽獸視之而不責可也今乃不然汗  
之所言渠之所望皆在於禮貌之尊卑則是果禽



獸者乎我實畏之不敢逞其指而外為大言謂以禽獸待之云則固不可使聞於他人雖虜與仲男之心其謂我國有人乎虜見我國唯言是從益長其慢侮之心每以不可行者來責亦將禽獸之而必從無違乎夫待敵國之道有可從有不可從者歲幣之增減關市之許否隨其時勢或可以勉從若齊之盡東其訃魯之百牢犒饗鄒之倍殯北向此豈可從之事乎雖兵至城下事決存亡猶以伏劒決死爭之不以虛禮而為輕也凡事防之於微所以慮其終挫之於細所以杜其大昔南宋



之日國勢未振虜人所言不敢少忤其時有割地  
不已必至再拜再拜不已必至稱臣之語千古為  
恨宋之臣子亦豈無一人有尊主之心哉直以初  
不能強爭以至於約之漸而行之既久又復恬然  
不知為羞辱前事之明鑑後世之所當戒者也  
我國家兵威武力未必大瘡於鄰敵而其所以維  
持保守者以有禮義名分也今並與其區區所自  
保者而不能守之則雖有倉廩府庫宮室百官之  
富實與亡國無異也胡銓所謂不戰而氣自索者  
不幸近之臣不勝痛心焉仲男既已倚坐於殿



下之前待之以客禮則今雖竭東海之波未足以  
洗其恥臣之所言復豈有一毫之裨哉願臣痛心  
憂憤不得不煩聒於  四聰之下者亦有區區仰  
望於  聖明也夫  廟議之所以如此者以在我  
無自強之道而見怒於強胡為非計故欲以舍容  
遜順為一時保國之謀也臣未知  國家自強在  
何時而其未能自強者亦何故也自  反正以後  
公卿大夫下至草野常布之士皆以為至治復見  
無不竭其所懷或陳於  筵席或備諸  䟽章嘉謨  
善策左右輻湊而  殿下徒以虛辭獎美未有採



用之實七年之中所循蹈責勉者不過曩時之故轍臣下愚淺妄謂君上無大有為之志於是內外官僚只以詢咨胥吏舉行前例為塞責之地百為頽墮事無可為已極寒心而殿下又以惡黨之心舉廷臣而疑之上下之間情意否隔是非不明漸成痼疾藥不可採殿下之志本不如此而使殿下每每必出於此塗者果誰使之然哉殿下何不深思反觀痛自懲創大奮發大變革決於一心誓於神明浮言邪說不得投間則中興萬世之基自今日始也豈以千里而畏人哉倘或不



然而徒以含容遜順為保國之長計則國勢駸駸然日入於左袵之域矣如仲男客遇之禮特毫末之微耳臣空踈愚戇安陳所見罪當鈇鉞伏竢嚴譴取進止

憲府請從諫如流劄十一月

伏以今之政刑日益紊紀綱日益頽風俗日益薄然而猶有所望以可採者上下交孚諫行言聽紊者正之頽者振之薄者培之也柰何羣臣才識駑下進言納規無可以當聖意者以致乾道日亢而日遠臣志日瘁而日隔如危病之人血氣壅



滯渙散衰弱之積無復有可抹之望矣嗚呼此實  
臣下之無良慚惶慙縮之懷誠不敢仰陳於聖  
聰然而臺諫之言亦豈無一二可採者而殿下  
略不留神不翅如風之過耳水之投石凡生民利  
病舉措乖當有罪倖免無功倖賞諂諛傳會之流  
危險不靖之徒以至一庶官一微事之糾劾刺舉  
並皆留難不從久拒牢執或因措語之小失而  
峻責之或因言論之剴切而嚴譴之一時士氣摧  
沮索漠人皆跼影而進累跡而行欲論一事先忖  
上意以為此言必不見納喟喟中止逡巡思退



循嘿為保身之良計避事為涉世之長策有志之士莫不太息流涕知國事之不可為也豈料聖明在上而復見此等氣象也臣等竊痛焉伏願殿下翻然悔悟瞿然改圖遠法前聖轉圜之美近鑒昏朝覆轍之戒謹正之論虛受如流過激之言包容財量培養直氣以來忠諫則既去之勢庶或可反於百一也不然而聰明自用睿智自聖政教號令之下惟以承順奉行為悅以為鎮靜朝廷馴致雍熙之計則臣等恐殿下之國事終無稅駕之所也臣等俱以無狀備負耳目之司不勝



區區渴悶之至取

進止

以論睦性善事  
命適差未果上

特

大司憲適職後辭免乞退劄

十二月

伏以臣輕疎愚妄謬當言路屢辭不獲黽勉就列  
只欲為朝廷明白是非不敢為循嘿雷同苟合  
取容之計亦恃有聖明在上也一劾官邪累塵  
嚴旨餘波所及臺閣盡廢遂成清朝一段鬧場  
究厥所由罪實由臣驚惶踈蹙措躬無地伏竢  
譴罰已逾旬月而明法未加鬼責先及夙病轉劇  
諸症乘虛孱軀危喘死亡無日伏乞聖慈俯垂  
憐察 亟命鑄革臣本職及兼帶俾臣首丘松楸



喘思入地瞑目於九泉之下則臣死生知感永  
圖結草之報矣近因下教不得循例呈告茲敢  
陳疏瀆擾尤不勝惶恐隕越之至謹昧死以聞

無帶辭免仍乞退歸疏

庚午正月

伏以臣病與衰期日進不已自甘廢退望絕陳力  
所帶館閣重任不可久曠不避瀆濫敢呈辭單一  
懼一惕竦息靡寧不意聖度寬容謬加恩由  
分外殊渥益切兢惶臣所當感戴鴻私奔走  
祇命而第念臣頃忝言地妄言是非未回天  
聽只厯嚴教平生慕直終得不正之名據事論



人反為挾憾之歸豈有顏面復立朝端此皆由臣  
貪戀不退喪失廉恥積釁累罪以至如此怛然慚  
悸無以為心而况疾病纏綿已至沉痾之域棄榆  
荏苒奄及遲暮之年有二宜可去之義無一分自  
效之路臣之情勢孔艱且悲矣伏乞 聖慈特憐  
一物之微更垂曲全之 惠亟 命鑄改臣兼帶  
弘文館提學同知成均俾臣得遂至願得安愚分  
公私幸甚臣不勝瞻 天仰 聖懇祈切祝之至  
謹昧死以聞

兼帶辭免疏二日



伏以臣落傷之處瘀血凝結欲為鍼灸冒昧煩額  
伏蒙 聖恩特許予告未及醫治旋入試場所患  
之症有加無減伏乞 聖慈俯賜矜察俾臣解去  
職名專意調病獲收萬一之效則未死之前無非  
天地父母再生之一恩也臣不勝悚縮屏營之至  
謹昧死以聞

弘文提學辭免疏

六月

伏以臣猥被 洪造濫廁巍班數歲以來福過災  
生疾患荐臻靡月不病衰敗昏耗之狀殆類於耄  
耄之年不但臣心自憐知臣實狀者無不為臣憐



惘然緣

國家多事邊圉未靖委身拚命不敢告

退而疾痛之人不得不呼父母每有除旨輒復

祈免情雖切迫跡涉適慢臣罪萬死臣罪萬死第

臣之衰耗既已如此雖尋常職務尚不能堪况於

文翰之事何能記覽叙述以効膚寸之短哉頃蒙

恩適旋又再叨媿懼恐增食息靡寧臣之不為飾

讓鬼神監臨伏乞聖明曲賜矜察亟命先改

臣兼帶弘文館提學以授可堪之人臣不勝兢惶

戰灼懇祈切祝之至謹昧死以聞

乞適弘文提學劄九月



伏以臣疾病寢加精神愈損形骸雖存實同土木  
對書則數行之外不復記憶搆文則一思之抽澁  
於針棘如是而尚能備數文苑濫竽延閣從事于  
討論潤色之班乎臣竭誠籲號前後非一而誤  
恩荐及既適復授恐懼慙縮食息靡寧目今高才  
富年自有其人公議輿情罔不翕然伏乞 聖明  
特垂 睿察 亟命適臣兼帶弘文館提學以畀  
可堪之人公私不勝幸甚取 進止

提學辭免劄

同月

伏以臣本駑材奄至衰耗文翰之任實非所堪不



避瀆擾累章乞解興蒙 睿察早 降適命而

聖度優容尚許仍帶臣內省慚愧采切兢惶竊念  
事 大交隣辭命最重一言當否機關所係自

祖宗朝選任館閣以備討論未有非才苟冒強顏  
如臣者也臣之乖謬無用不但臣自知之明 聖  
鑑固已洞燭無餘矣伏乞 聖明俯諒危懇將臣  
所帶弘文館提學 亟賜適免量才授官俾絕濫  
竽則臣無血指汗顏之羞 朝有選公登明之美  
公私不勝幸甚取 進止

禮曹判書辭免劄 十二月



伏以臣疾病彌留未即肅 恩冒昧請告跡涉偃  
蹇方俟 嚴譴反承 溫諭臣惶恐感激所當扶  
曳出 謝不遑他恤而第臣情事有不得不煩於  
天聽者伏惟 聖明垂察焉凡人之性雖愚不敏  
至於自知則無不明矣臣之愚騃常以為自知其  
庸拙審矣臣立朝三十五年舉朝之人亦無不知  
臣之庸拙矣臣遭遇 聖明獲蒙 誤恩出入  
左右今垂七年于茲臣之庸拙又 聖明之所洞  
燭也 聖明哀其愚戇 曲垂揄拂有罪不斥無  
勞加賞踰資越序驟登八座此豈臣平生夢寐之



所嘗及哉雖感鴻私實懷慚懼曾所叨冒日偃  
日俯豈意宗伯春官之長復及於臣身乎臣性本  
室暗加以失學轉輾沉迷遂至衰晚其於聖人之  
禮經先王之制度國朝之典章奚啻面牆摘埴  
而已乎如此而尚可竊吹秉禮尸位秩宗以玷  
國家莫重之名器乎臣之庸拙萬不近似舉朝知  
之聖明知之不但臣自知之明也臣之危懇寔  
出肝鬲天日下臨不敢飾讓况臣之一家無絲  
毫有益於國而偏荷寵渥盛滿已極臨深履  
薄食息靡寧又安敢兄弟相繼迭為宗伯重犯人



譏自干鬼誅哉伏乞 聖明憐臣閼迫之情 諒  
臣憂懼之忱 亟命逆臣新授職名以遂公私不  
勝幸甚取 進止

國忌日請權停 中朝望闕禮劄 月月

伏以 殿下至誠 事大對越 天庥允遇 中

朝慶節未嘗一日廢禮豈但國內臣民之所仰服  
抑亦天下人人之所同聞也甚盛甚盛臣昨在  
闕庭忝居典禮竊有未安於心者敢陳其愚陋惟  
聖明財察焉今月二十四日我 成宗大正忌辰  
而適與 皇帝聖節相值 聖節賀儀慶祝權并



之禮不可廢也 先王忌辰素服哀疚之心亦不

可忘也臣聞吉凶異道哀樂不相干禮之大經也

不奪人喪親之心亦不奪其喪親之孝禮之大義

也忌者喪之餘賀者樂之事以喪餘之日而躬舞

踊之禮恐有乖於不奪其喪親之訓也禮雖有不

以卑廢尊之文此則指祭祠祫使人代行之事

其與親行舞蹈於喪餘之日不同也或云殺禮行

之猶愈於廢也臣意不然禮者猶體也體不備君

子謂之不成人何可輕易殺禮以招不備之譏乎

殿下既拜送使者於庭進賀于 帝所以是使臣代



殿下行禮於彼 殿下在此雖為 本國 忌辰  
而權宜停止固未是廢禮也况至日元朝每行不  
廢則一日權制寧有少默於 事大之至誠哉且  
殿下於禮訖 還宮之時穿過 殿內咫尺不違  
之地餘敬未盡而遽撤 宸版 乘輿以臨亦似  
未安豈若 還由來路之心安勢順乎伏乞 聖  
明特留 睿思燕詢大臣愚陋之言倘有可採併  
再議安以正萬有一失宜之禮則誠不勝幸甚取  
進止



清陰先生集卷之十八

二十一

清陰先生集卷之十八



清陰先生集卷之十九

疏劄

二十四首

弘文提學辭免劄

辛未七月

伏以臣不材代廩前授弘文館提學文翰重任自知不稱不避瀆擾累上辭章 聖鑑曲燭許令改授臣於其時不以得遂私懇為幸而實感我 聖上知臣之明矣不圖未幾再被 誤恩蹶踖愧懼之心益以交戰于中非不欲冒死瀝血復申前請而一向煩瀆分所不敢悶嘿到今非臣本情今臣數年以來衰病漸加氣力困瘁精神昏耗濛濛霧



霽常若夢寐之間日用人事前忘後失況可以斟酌輕重結撰辭命隨行於討論潤色之地乎臣之此言一毫非飾伏乞 聖明更垂睿察亟命適臣弘文館提學以安愚分公私幸甚取 進止

又 九月

伏以臣之衰病昏憤日加一日今年夏秋重為濕熱所鑠半歲之間精神氣力耗損益甚微細之字書不能辨畫急就之章夜不能起草至於言語酬酢亦多顛錯謬誤此衆人之所共見知者也頃日冒陳危懼乞解提學之任伏承 聖批至以臣精



力未衰為教臣雖無狀亦不敢虛辭詭免也詞翰之地以記誦應對鋪張叙述為功臣當盛壯之時尚不能之況今衰劣如此豈其所堪任哉伏乞聖明曲諒微臣懇迫之情特命適改臣兼帶弘文館提學俾遂至願公私不勝幸甚取進止

兼帶提學同知成均辭免疏

同年

伏以臣病勢沉痾曠職是懼不避瀆擾之誅屢陳危懇伏蒙聖慈溫諭丁寧令臣察任臣感激之深惶恐之至憂鬱悶蹙之極不知何以措身也臣之所患如可過已何敢觸冒天威苦辭榮秩瀝



血煩顙而不知止乎伏乞 天地父母廣推體下  
之仁亟 命適臣無帶弘文館提學同知成均俾  
臣得遂至願得安愚分得保餘喘臣無任瞻天仰  
聖懇祈切祝之至謹昧死以 聞

無帶

經筵賓客同知成均辭免劄

同年

伏以臣衰敗無用尸位竊祿幸蒙 聖恩不加斥  
退臣亦感戴 鴻私黽勉隨行而至於聰明筋力  
可用之地非臣所堪臣之無帶 世子賓客全不  
近似曾前乞解未遂至懇悶嘿到今 春宮輔導  
之任豈可徒取充位也同知成均備貲踰年漫不



省所職士習紛拏責在師儒理當黜免決難仍冒  
又於昨政新授同知經筵非但萬萬不稱嫌疑  
之際古今攸戒臣兄方居政曹政官子弟不宜注  
擬隆顯重秩以招人言伏乞聖明曲垂睿察亟  
命適臣無帶三件職名以安愚分不勝幸甚取  
進止

大司憲辭免劄

十一月

伏以臣賤疾彌留不能出謝冒昧請急乞適職名  
兢惶感蹈伏竢譴責不意恩數過隆賜暇至  
三臣誠感激罔知攸處顧臣情勢之難非但疾病



未瘳近日兩司方請還收銓官罷推之命此尤  
臣所不敢可否於其間者進退狼狽之狀天鑑  
亦必洞燭伏乞聖明俯諒微悃亟命適改臣職  
以安愚分不勝幸甚取進止時伯氏為吏判

都承旨辭免疏

十二月

伏以臣脚疾添劇不能供職冒昧請告實懷惶恐  
伏蒙聖慈分外加恩臣子之義固當不避顛仆  
扶曳出仕而所患未瘳勢難自力辜負鴻私死  
罪死罪且伏聞以昨日備忘不即分付該曹之  
故同僚二人重被譴罰臣病伏中不覺驚起震悚



之至夫孝敬之出於聖心者人不可得以隆殺也典禮之違於古制者臣下可得以爭也政院居喉舌之地事有可否敷奏覆逆乃其職也若視君父之過舉如視路人徒以承順奉行為恭而不盡所懷於咫尺之下則其罪尤大況同僚之累煩啓稟亦由於臣等之適未齊會而然也臣何敢以獨免苟保為幸而晏然仍冒乎伏乞聖慈曲垂睿察亟命鑄臣本職及無帶以安愚分臣無任激切屏營之至謹昧死以聞

代金領相辭都體察使劄



臣老益踈愚不善保攝自貽遘厲上軫聖慮診  
視輟內直之醫藥物頒御府之劑飲食分天  
厨之膳承命問疾之人日三交道臣日夜感激  
涕泣自念垂盡之命無階上報惟思結草少荅  
鴻私幸賴天地父母之恩殘喘獲蘇復延視息  
於時月之間自今至死之日皆聖恩之賜也臣  
雖糜身粉骨赴湯蹈火亦何所辭耿耿此心天實  
監臨第臣有惶恐悶迫之情不得不仰籲於  
維續之下臣所帶都體察使為任至重雖方隅稍寧  
之日猶不可一日曠職矧今秋防在即策應正殷



竊聞廟堂大段區畫之事皆諉以待臣議處西北  
守令之差除亦皆循例問臣而臣不能對臣是何  
人虛冒重任以廢國家之大事乎臣衰年積傷  
又經大病軀殼雖完精血盡銷種種諸症乘虛間  
發兩耳如塞全不聞聲舌根木強言語艱澁左臂  
麻木漸不運用神思昏霧氣乏視短暫時強起輒  
復奄奄就席若非絕意人事久久調養則溘然漸  
盡可立而須也臣犬馬餘生涯分已極一死報國  
更無他圖區區控免之意非一毫貪生避事之計  
只緣困篤之餘精神如此臣雖欲竭心殫慮以効



萬一其勢末由臣之情事可哀之甚也臣若綿以  
歲年或再完復則東西南北惟 聖明之驅策臣  
又何辭伏乞 聖慈俯諒危惓曲垂矜愍亟命遄  
臣都體察使以存國家疆場之大計以竟天地生  
成之大德臣不勝危迫懇祈之至取 進止

再劄

伏以臣久病支離精弱魄懾欲專調補反助心火  
加以上孤 聖恩內負初心憂惶慚悸轉輾沉痾  
至於 宣召臨門不能赴 命 聖壽稱慶亦未  
趨班層尤疊愆百洗難湔頃者冒上七章乞解體



務聖鑑洞察特令議處臣於此時感激欣幸自  
以為朝釋負而夕就木甘心無恨奈何廟堂回啓  
不體聖慈愍卹之意不諒微臣垂死之情終為  
外貌虛文之歸臣實惜之蓋緣臣之氣力不堪應  
接外人故自同坏蟄今已半年同朝諸人亦不知  
臣身之消脫至此之甚也目今島變又起事機叵  
測貧窶宵旰猶恐後時而臣虛帶重任與死為  
隣國事日急臣心日苦臣雖萬被瀆擾之誅不  
呼我天地父母之聽而誰因誰極也伏乞聖  
明曲加財量斷自宸衷亟命適臣所帶都體



察使公私不勝幸甚取進止

宗廟階砌崩塌請遇變警動事劄

壬申二月都承旨時

伏以臣於即朝伏見禮曹啓辭宗廟第一室階砌無故頽落聲動神御其頽落之處長四間許云臣聞來不勝震驚憂懼之至太廟者祖宗神靈所聚之地也人君凡有所失必先戒告警惕以示修省改過之端昔飛雉升鼎殷宗修德寢郎獻夢漢武悔過神人之理顯微無間其丁寧之意不啻若誨誨然命之也夫階砌者等級也等級猶名分也名分壞則下犯上臣犯君之象也神道玄



遠雖未知某事之應而今茲之事實為明白何者  
殿下揮斥建議銳意追崇必欲亟舉典禮若爾  
則升祔大院君新主而祫毀成宗大王舊廟  
也大院君於殿下親也於成廟臣也子孫  
也升不當升之臣與孫祫不當祫之君與祖是等  
級廢也名分壞也廟禮之變孰大於此臣愚以  
為祖宗神靈於此必大變動大警惕以啓我  
殿下悔悟之心也殿下若視之無變聽之如常  
不思殷宗之修德漢武之改過而徒諉之於適然  
而然則臣恐祖宗陟降之靈大有所不安也大



抵鬼神之事若謂之渺茫無知則名位不必務為  
崇奉若謂之神明不爽則裨毀未可越禮輕議臣  
意如欲求安於人情必先求安於神道祖孫父子  
本是一氣但當推吾敬親之心以體吾親尊祖之  
意方寸之內自然感悟而不待人言之煩複矣伏  
願 殿下遇災恐懼深思反求亟示悔悟之意俾  
無過舉之尤臣以矇學蔑識感激知遇罄竭愚衷  
不知忌諱罪合萬死罪合萬死取 進止

大司憲辭職劄

五月

伏以臣疾病纏綿未謝 新命冒呈三告 恩出



例外臣誠惶恐措身無地第念臣素患濕症痛在  
脛骨歲久益深頃遭一家切近之喪連日坐於濕  
地又當夏月陰雨之節舊症添劇日夜苦痛庭戶  
之內運步極難勢不能趨走闕下拜起行禮若  
至於顛仆失儀以駭瞻視則不但臣身媿悔無以  
自滿其為清朝之虧損顧何如哉孔子曰陳力  
就列不能者止聖人之訓昭載經傳為士者世守  
之以謹大防臣雖欲貪戀苟進以榮其躬奈廉恥  
何奈人言何此臣所以徊惶悶蹙煩籲宸嚴而  
不自己者也况今言路未恢疵政不少繩糾激揚



責專風憲如臣衰劣疲軟久試無用者又何敢冒  
居臺首重招瘼曠之誚哉伏乞 聖明曲察微懇  
匪循飾讓 亟命適臣本職以全公私不勝幸甚  
取進止

辭都憲疏

癸酉十二月在石室

伏以臣自前年以來夙病轉劇未乞骸骨徑就棄  
揄孤負 鴻恩罪無所逃伏蒙 天地父母含容  
覆燾獲延危喘以至今日雖懷感激寔切兢惶不  
意銓注之地廣示收錄 聖明之德曲加拔拭時  
月之間除 批五下草茅之中 召命三臨以垂



死之身當不貲之榮欲進則賤疾既痼筋力難強  
欲止則分義至嚴逋慢有誅臣五內靡定冰炭交  
積瞻望宸極涕淚如霑如使臣少有供職之勢  
臺憲重任雖不得趨承北塞驅馳其何敢辭避乎  
伏乞聖慈憐臣衰病已極愍臣顛仆在即亟  
命適臣本職及兼帶宗簿寺提調俾臣終園生成  
之大造得守丘壠以沒餘齒則一息未絕長是祝  
天之日九原不昧永為瞑目之魂臣無任戰灼隕  
越之至謹昧死以聞

再疏

同月



伏以臣疾病沉頓屢違 召命上疏陳懇未免瀆  
擾伏竢 嚴譴反降溫諭臣罪益大 聖恩益隆  
撫躬循省若墜淵谷第念 聖明於臣情事或有  
所未盡 下燭者輒申危懼冀回 睿聽臣本非  
山林高蹈之士生於 輦轂之下進由科舉之塗  
仰太倉之粟資市味之腴出入官府游從親故已  
踰六十餘年到今衰暮之日離親戚去朋游屏跡  
蓬蒿之中糲梁蔬食豈人情哉顧其勢有不堪而  
義亦有不安者也臣蒲柳早衰一身百病脚痛不  
能久立腰痛不能久坐目昏不能辨物心昏不能



慮事風寒雨濕半邊不遂此勢之不堪仕者也臣  
頃有北門之命以病丐免避勞趨逸庶恥何居  
况曾忝本職妄論大禮同寮坐斥尚在貶官臣  
獨何顏復入臺席此義之不敢安者也若瘵官曠  
職竊祿是甘蔑庶喪恥盜寵是榮則聖明亦  
何取於愚臣哉伏乞聖慈特允微誠亟命適臣  
本職及無帶提調以安愚分公私幸甚臣既不得  
聞命奔走合受逋慢之誅分當席藁俛默不容  
強聒而有懷必達亦聖明之所許茲敢冒昧畢  
露益切兢惶隕越之至謹昧死以聞



憲府六條劄

全月

伏以 殿下不以臣等為無似置之言責之地當此 國家安危存亡之日知而不言則是臣等負殿下言而不入則是 殿下棄臣等也今日之事可言者固多而臣等請先言其重者以俟 聖明之財擇焉其所謂重者有六焉一曰絕私慾以養聖躬心者一身之主宰心無私慾則志氣清明而百邪退聽苟有一毫查滓之未盡則邪氣來干而心反為其所制夫邪氣云者不必陰陽之寇鬼神之祟也偏私嗜慾凡可以害于心者皆是也 殿



下典學之志雖勤克治之功未進應事接物之際  
不免為私意所動清明之氣以之汨亂慮生疑疑  
生惑惑生疾轉輾沉痾不能自解經年調攝病根  
猶在此豈庸醫淺術所可效也伏願 殿下清心  
寡欲誠正自治毋使邪氣干其間以為調養 聖  
躬之本焉二曰務實德以謹天戒天人一理彼此  
無間中心纔動誠偽立見童孺且不可欺況於上  
天乎竊觀近年以來災異之現殆難枚數而正殿  
雷震其變尤大天之警告我 殿下者一何已嚴  
耶其時 避殿撤懸之請修舉文具亦甚草草而



止不知

殿下於深宮獨處之中恐懼戒慎不敢

荒寧有可以格天心者歟何其災異之報日月斯

臻已事之微慘不可聞由此觀之

殿下應天之

道恐不能一出於誠心也人君以天地為父母父

母怒而不以誠意感動則其於子職何哉無乃以

災異之出或是偶然不足為深懼者歟苟有是說

此乃奸人誤

殿下之言也伏願

殿下常存敬

畏念茲在茲務盡實德以為格天弭災之本焉三

曰廓言路以廣聰明國之有臺諫猶人之有耳目

國君輕臺諫而不納其言猶塗塞耳目而求其聰



明天下豈有是理哉噫人情孰不欲聰也其所以  
不聰者謂人之聰莫我若也孰不欲明也其所以  
不明者謂人之明莫我若也苟能以人之聰為已  
聰是天下皆吾耳也以人之明為已明是天下皆  
吾目也以天下為耳目而未有不致治者也好自  
用其聰明而未有不致亂者也目今言路梗澁人  
皆結舌逆耳之言無復敢陳於 黈纆之下孤立  
之勢莫不寒心而 殿下獨未之悟一朝有變卒  
然瓦解未知 國家稅駕之所也伏願 殿下毋  
吝改過廓開言路以盡明目達聰之道焉四曰嚴



宮禁以杜交通人主深居九重欲知臣下之行事  
輿言之是非問里之風俗則或詢諸閹豎訪于戚  
屬咨之私昵彼奸諛巧佞伺候人主之意者必夤  
緣投隙以售其私亦有椒房近親出入宮中妄奏  
外事輕泄內言以惡為善以直為枉以私言為公  
論以正士為邪人終不免為其所蔽者此叔世帝  
王之常患臣等不知 聖明之世果有此事而亦  
未知果無此事也朝廷治亂之端陰陽消長之機  
必由於此可不戒哉人君以大臣為心腹臺諫為  
耳目何可別開邪逕以來羣枉乎伏願 殿下嚴



飭宮闈內外有截永杜交通之漸焉五曰省煩冗  
以紓民力國家善政莫先於寬民力而不省煩冗  
則民力無由而寬也今日下一教明日下一令曰  
吾能祛民弊云則是所謂口惠而實不至民何德  
之有哉民生之困於重賦莫此時若也上事 天  
朝兼濟島衆北輸虜幣南塞倭求區區民力固已  
不堪而諸司興販科歛錙銖不領於經費者皆為  
煩冗之尾閭此民之所以重困而國將隨弊者也  
伏願 殿下速令廟堂急講寬民之策痛斥言利  
之計如救水火罔或少緩以解倒懸之苦 殿下



亦宜深憂隱痛視民如子念 王子之第宅不廣  
則思小民之流離暴露者念 王子之財產不豐  
則思小民之賦重役煩傾財破產者念 王子之  
使令不足則思小民之臧獲被奪於內司官家而  
抱冤莫伸者廣推恩澤務施親親仁民之德焉六  
曰選將帥以固邊圉自古國家危亂之日忘身赴  
敵建功立事者多出於前日不聞姓名之人蓋勲  
臣宿將富貴已極富貴則驕心生驕心生則平居  
不恤士卒而臨戰不肯鬪死此自然之勢也必須  
求之一邑之守百夫之長偏裨之內卒伍之間或



試其計或試其才取其質厚沉悍之資略其微疵  
小瑕之短既審其才智然後待以不次厚廩重祿  
以贍其妻子精兵勁卒以聽其撫馭又觀其不矜  
不驕忠實無他擢為大將俾制閫外則庶幾將得  
其人而無以國與敵之患邊圉得以永固矣臣等  
學術空疎智慮淺薄自知不能當 聖意而愚忠  
所激敢獻瞽說不任慚惶隕越之至取 進止

乞解無帶疏

甲戌十一月

伏以臣稟氣虛薄加以保生失宜六十之後衰敗  
已甚素患諸疾日增月深臣於壬申之夏自知不



堪供職暫退郊圻冀收時月調攝之功荏苒數載  
綿延喘息不意前年冬屢下召旨臣驚惶感激  
扶曳入謝未踰半月危症輒發幾於顛仆幸蒙  
聖恩解職還里自茲以來轉輾沉痾委身枕席與  
死為隣種種昏憫之狀雖不敢每每煩瀆而其不  
能奔走効勞衆所共知臣之情事實為可哀伏乞  
聖慈曲垂天地生成之德特施犬馬帷蓋之報  
賜之骸骨許終溝壑 亟命適臣無帶藝文館提  
學宗簿寺提調以遂至願臣不勝惶恐戰灼之至  
謹昧死以聞



乞解大司憲及兼帶䟽 乙亥三月在石室

伏以臣衰敗病憊不能陳力退伏田間分甘廢棄  
不意 聖德崇深曲收簪履荐授風憲 經筵之  
職繼下乘駟上來之 命臣捧讀 恩旨感涕自  
零臣雖愚頑非木非石豈不念榮寵之可懷譴責  
之可懼而負 君臣之大誼循一己之私便自踈  
於 聖明之世哉顧臣賤疾沉痾已甚實有不堪  
供職之勢也且臣之兄尚容方為 經筵領事自唐  
宋故事大臣子弟不得並居臺閣間或有之靡不  
陳丐自免亦粵我 中廟朝金正國為世子副賓



客以其兄安國先為賓客上疏辭避即許適改  
况經筵視賓客尤重者乎伏乞聖明俯諒微  
悃亟命適臣本職及無帶同知經筵不勝幸  
甚臣仍竊伏念天有盈虛消息之理人有出處進  
退之誼是以先王法天之道體下之情定為禮制  
年至則致仕疾病則許退此古今通行之令典也  
或曰時事艱危雖老且病亦難退去此言不然昔  
宋南渡之後艱危之勢比今日何如而其時致仕  
之臣史書相繼豈無忠君憂國之心而然哉蓋老  
病無用之人無時不可退去也今臣七十之年忽



焉已迫而疾病之狀又復如此雖欲黽俛趨朝竭誠殫忠以報聖恩而思慮無所益筋力無所効昏昏霧霧且僵且仆不過為長安中一行屍耳其於囿萬物各遂其性者恐有憾於天地之大也惟冀聖慈愍念矜恤賜之骸骨特除朝籍俾得涵濡聖澤畢命丘園則覆載生成之德浩蕩無涯雖在泉壤之下永圖結草之報矣臣無任激切屏營之至謹昧死以聞

再疏

同月

伏以臣蒙被厚恩蔑効涓埃之補猥以賤疾每



陳危迫之私罪合萬死而聖度包容不加譴罰  
再下召命臣伏見聖旨至以從速上來以副  
予望為教此豈微臣所敢承當者哉非臣糜粉所  
能上報第念天地覆載萬物生成日月垂明幽隱  
畢照子之於父何情之不達臣之於君何事之敢  
隱臣所患疾病實是衰年沉痾之症兩目昏暗不  
能辨物兩脚痿痺行立俱妨精神霧亂思慮倒錯  
三者有一猶不堪立朝供職况兼而有之者乎臣  
年迫桑榆病勢若此調治差愈不但無望於歲月  
之內未死之前恐無陳力之期瞻望宸極只自



忉忉伏乞 聖明推天地之仁垂日月之光察臣  
子之情益霈曠蕩之恩永施生成之德亟命蒞  
臣本職及無帶以全終始公私幸甚臣不勝兢惶  
戰灼懇祈初祝之至謹昧死以 聞

三疏  
四月

伏以臣再違 召命方埃 嚴誅宣告又降獎待  
踰分 隆恩異渥迥出尋常驚惶震越若隕崩谷  
人臣分義死且不辭賤命微軀顛仆何惜臣不敢  
更以疾病煩瀆抑臣區區之意不但筋力精神之  
難強也 殿下既以言責命臣臣當竭誠盡慮思



所以稱其職者而第今日可言之事皆諸臣之所  
已陳 殿下之所厭聞況臣愚妄屢試不可用者  
乎夫身用言廢古人所恥臣雖驕甚亦何安於此  
也臣與其進而不得言曷若以退為諫而冀悟  
聖心之萬一乎孔子曰君子居其室出言不善千  
里之外違之況其通者乎 殿下於此三復致思  
翻然改圖誠心遇下容受讜言朝廷之上無以言  
獲罪之士則雖在草茅巖穴之人亦必聞風興起  
願立於朝矣如臣衰敗靡孱者老死丘壑亦已榮  
矣伏乞 聖明亟命鑄削臣本職及兼帶以彰臣



逋慢之罪臣無任迴遑蹶踏之至謹昧死以聞

大司憲辭免疏八月在石室

伏以臣病未赴 召昧罪控辭 聖度包容不加  
譴斥又下調理上來之 教臣誠感激惶恐罔知  
所出伏地涕泣而已臣之病勢可堪供職則何敢  
一向退縮辜負 寵渥自速罪戾至於如此乎顧  
臣所患根柢已深非時月調理可愈之疾而犬馬  
之齒又已衰邁氣血消耗筋脉渙散鍼石靳効藥  
餌無功腰脚不遂視聽俱爽種種諸症猥冀徧舉  
自分永廢無復更比恒人之望臣之情事實為可



清隱先生集卷之十九  
悲職務曠闕愆咎委積公私所傷不可勝言伏乞  
聖明俯諒危惓 亟命鑄臣本職及兼帶以終逮  
下之 盛德以安垂死之微分千萬幸甚臣無任  
激切屏營之至謹昧死以聞

再疏

伏以臣陳疏辭職罪積違慢及身矣 命甘受嚴  
誅乃於今月十九日揚州官吏承本道監司移牒  
傳諭 聖批恩眷至渥褒予過隆至今臣復速入  
來臣捧讀未終感涕自零竟夕達朝怵惕靡寧仰  
惟非常之 恩重若丘山俯念不治之疾貴在肌



骨冥然不動分所未安黽勉趨召勢又難能進  
退維谷臣之謂矣夫士之生世遭遇休明受知君  
父展布素蘊此千載一時不可失之嘉會也臣雖  
愚騃陋拙無可裨益至於處高位享厚祿以榮其  
軀者人情之大欲臣獨何心不願於此乎况臣十  
餘年來濫被寵擢常期殞結不避艱險豈於今  
日負其初心私便身圖自擬於山林高蹈之迹乎  
第緣臣之不幸遲暮之年衆疾交侵其最所深苦  
者不可齒列班行出入殿陛至醜至惡之狀不  
敢上瀾於天聽前後言病只舉衰敗躄澁人所



共見者略陳其槩竊意 聖明必以以病辭職朝  
臣循例之事或未 洞燭臣之實狀至於如此故  
敢冒死畢露伏乞 聖慈曲垂垂明廣推仁惠憐  
臣疾病之沉痾察臣情事之悶迫 亟命適臣本  
職及兼帶俾臣朝夕綵縷之命獲延於田廬之下  
則不但微臣之至幸凡在臣隣孰不感歎我 聖  
明逮下之盛德也臣非不欲再入 禁闥罄竭危  
衷旋乞殘骸瞑目無憾而顧其勢末由也已瞻望  
宸極神魂飛越臣無任激切屏營之至謹昧死以  
聞



大司憲三告加由後辭免疏 九月

伏以臣重病未蘇累上辭單予告之 命出於非常 寵渥愈隆感懼愈深碎首湛身亦何所顧第臣虛羸於血枯肉瘁之後顛仆於氣竭力盡之餘百疾乘時間發四體不能自持奄奄危喘實同僵尸目今事勢決難供劇不然臣雖至愚亦有人心何敢不體 聖意不念分義辜負 恩私猥褻瀆擾至於如此乎况冬令方行微軀益脆觸冒晨寒必加重傷無補 國事斷送身命則其於 天地生成之德有所不竟而愚臣區區賤誠亦無自効



之路矣豈非可哀也哉伏乞 聖慈俯察卑悃亟  
命達臣本職及無帶 經筵公私幸甚臣無任激  
切屏營之至謹昧死以 聞

大司憲辭免劄十一月

伏以臣元氣甚弱衆疾侵凌一日之內一身之上  
無晷刻全安之時不敢以區區私懇輒復陳瀆而  
顛仆之勢匪朝伊夕危迫之情寔切于中近自五  
六日腹痛甚緊暴下太數廢食廢寢晝夜困篤雖  
蒙調理出仕之 教頓無奔走供職之望衰暮殘  
喘幾何不至於溘然也伏乞 聖慈俯垂矜憐亟



命適臣本職及無帶以遂公私不勝幸甚取進

止

請養兵選將劄

全月

伏以臣竊伏聞朝廷特軫南虞將遣具宏往飭兩  
南防備其綢繆陰雨之計可謂深矣且聞具宏曾  
帥統營頗以廉勤得士卒心廟堂應選亦不為失  
人然一番巡歷終無實效必須講究長策以存久  
遠之慮庶幾永有所賴也國家自西鄙有事之  
後專意西方而南邊備禦之具蕩然不為收拾所  
謂軍兵又是束伍之軍而操練踈濶器械齟齬誅



求督責於一身兩役之民飢寒切身怨氣滿腹而上下內外嬉嬉然不為之省視計欲臨難驅戰使之忘軀效死天下寧有是也若難於舊章之改譚於新規之制因循弊政不思良圖一朝緩急悔不可追豈不寒心臣有淺見請試陳之今以忱誠勤敏解事有風力文臣三人稱為監軍御史分遣于統營及慶尚左右兵營與閫臣同議軍務春夏俱劄信地秋冬分駐各處專意訓練所屬水陸軍兵其操練節目容缺僉議守令將官等役使來伍軍侵耗多端優加撫卹不革弊習者輕重施罰軍兵



老弱者以次精擇將官之有勤勞顯效者 啓聞  
論賞以為聳動之舉水軍衛史則雖以統營為信  
地而四時無巡湖嶺沿海營鎮其操練視陸軍倍  
數蓋束伍皆非正軍而半在南嶠水軍自有當番  
當番者恒在鎮下無廢農往來之苦也古者用兵  
必有掌財之官以需犒賞而本道力屈又出一員  
使命恐益煩擾監司無理餉任若善為措辦可佐  
其費也或以為監司專制一道操練軍兵亦其所  
職何必別出剩官而又使之反為調度乎臣謂  
中國法制纖悉既置布政左右使叅議等官而特



設巡撫巡按主管軍務豈不以大事在我布政之  
臣所領民事繁多若無責戎事雖能者有所不逮  
也此其深慮遠計度越前代長治久安之道實由  
於是也況不立餉司出於省弊而道內養兵之責  
莫非監司之所當任者乎軍兵等於將官及鎮營  
營門操練皆自裹糧食貧殘之民不堪其苦初年  
則以各邑官廩計日支放明歲之後宜別為區畫  
御史若於朞月適換必無成效須待三年交替方  
可責成然人情無家室則不能久安御史依中  
朝之法許令挈家所帶奴婢從簡定數以所駐本



邑田稅依品給祿有勞績則如漢時璽書褒義增秩賜金故事而未滿任不得遷易我國人心淺狹不耐久亦不容人耐久習俗之弊在君上轉移之如何也且御史留駐道內則營門列邑冗費必省雖供一御史所益必倍矣御史許帶臺衛兵使以下官吏犯法及軍民弊癘隨其所聞使之馳啓中朝則巡撫皆用堂上以上官而無帶都御史今亦不必太拘官限惟以得人為主以此為制行有其效可徧試於諸道也雖然法不能自行必得人而後有成御史列閫不得其人而咎法之不善雖



聖賢亦末如之何也議者必以敵未至而先搖邦  
本為戒也然敵至而後圖之臍可噬乎昔趙充國  
屯田之策漢廷諸臣皆以為不便我世宗遣金  
宗瑞開設六鎮一時論議亦多相左自後觀之紛  
紛之說果可信乎惟在明主夫決而力行之耳  
臣之愚計非敢自擬於古人只陳古今行事得失  
之驗也伏願聖明財擇焉且目今將帥之材常  
患乏少凡遇窠闕未免苟充宜於恒選之外多方  
以求之先令文武官曾經實職二品以上各薦武  
弁中可堪將領者一二人標其實狀于名下各以



所能考試以備擢用如有貪墨債事者坐其舉主  
兩界武士最多其中可用者何限然 朝廷收用  
罕及於邊遠渠輩之失望怨恨不足恠也令兩界  
方伯各揀十人或以計慮或以材力扶出儕類者  
資送京中先隸 宿衛隨試所長名實相當者對  
品授職以次需用三南海西監司亦各選五人江  
原道選三人其資送京中試才調用俱如兩界例  
間歲為式亦不必強令備數也三南海西則銓選  
注擬常出於此關東武士比他道頗少不得無差  
殊也今之取武士先取身言次取文筆故浮華無



實之輩輒獲薦譽質直沈毅之人不利進取此公  
論所深惜也操用人之柄者所宜各取其長而尤  
當留意於此也且今時馬貴戰士有馬者少夫戰  
陣之上取勝於馬足之間我國山林險阻雖曰步  
兵之地亦豈可不以馬兵為重乎 國家賞賜用  
馬之數甚廣自今賞賜文臣勿用馬而用他賞一  
施之於武弁軍士之試藝者閭閻鄉曲能為孳息  
善於養馬者別為勸獎以盛畜牧亦兵政之一助  
也臣受 恩深重無階上報微誠所發妄獻芹曝  
疾病困劣語不成文至於潤澤而施行之非所敢



望也且備局以臣請置於提調之列豈但臣自視  
缺然遠近聞之必謂朝廷無人非細故也伏乞  
聖明察臣之言匪出飾讓 亟命改臣備局提調  
之任臣當隨分自安有懷畢陳臣不勝祈懇之至  
取進止

大司憲三告加由後辭劄 令月

伏以臣既衰之後重病暴發真元未復遽出供劇  
陰陽外寇榮衛內傷區區一身所餘幾何顧不敢  
固請辭退者庶冀稍獲良已雖不能奔走先後補  
塵露之微亦欲出入 禁闥瞻望 天顏少展隨



事進規之誠矣頃日入侍不任形骸啓事未終  
猝得眩暈咫尺之地且顛且仆失朝見之儀駭  
衆人之視志願未効愆過益彰慚惶愧慄若無所  
容臣貧戀恩寵冒進不退蔑庶喪恥羞辱清班  
將何以糾攝羣僚振肅顏綱乎此臣之所以異  
數之下尚不知止更竭微誠復瀆宸嚴者也伏  
乞聖慈俯垂矜憐亟命適臣職名以安愚分臣  
於疾病之中又有所感焉臣中年百病身事艱危  
廣迎名醫日求方藥而所言各異未知適從歲月  
之間略試諸術刀圭之力不能救沉痾之疾責效



太速厭倦繼之自念平日所戕伐者少若勿喜動  
作靜坐安養則亦可以致期頤之壽醫於吾何有  
終不知良時易往暮景如飛千金之軀忽然若朝  
露客邪交侵鬼事漸迫撫躬悲歎將復何及當時  
有勸臣以神丹妙劑保元延壽之術者不用其言  
以至於此臣不勝悔恨哀怜之至伏願 殿下勿  
以臣言為狂妄於保養 聖躬之方務盡其極益  
修祈天永命之道以基億萬年無彊之福臣危衷  
所激有懷畢陳愚慙僭率死罪死罪取 進止

憲府遇灾修省劄

十一月



伏以昊天不弔臣民失依小大傾心若草木之  
遭霜雪而疾威未弭譴告愈甚雷電暴發陰虹干  
日昏霧晝塞訖言屢騰不測之禍若在朝夕雖古  
昏亂之世危亡之國其氣象之慘豈有加於此哉  
臣等備位言責職使我殿下不通下情  
不聞過失政令多舛小民胥怨致天之怒一至於  
此皆咎在臣等死何敢辭伏乞殿下亮正臣等  
之罪以為人臣尸祿不言之戒殿下亦宜惕然  
驚動務脩實德以答天譴夫格天之道雖本於敬  
德而一言一事之合於天理順於人心者皆其方



也臣等伏聞大喪衣衾絞冒之具一取於市民  
未知此例初於何時而國家設尚方以為內府  
吉凶之費宜有豫具而乃至如此奚止市民之失  
望甚非王制之本意也況平日所進表裡皆以  
土產紬布則歛時衣服何獨盡用上國難得  
之物乎目今國事板蕩民力已竭合有變通之  
舉宜教有司別為講定亦令尚方豫具不時之  
需永垂後來之式則其於聖德益光而寔為照  
代可繼之良法也且大行王后謚號初以明德  
議擬而復因下教改擬明憲臣等雖未知聖



意之所在然謹者有司之事若出於一時人主之意則不但有歉於大公之道抑恐來後世之議而啓他日之例也伏願 殿下深加睿思仍用當初議擬之謚允合典禮也 國家不幸 章陵再封穆陵改卜 仁穆纔祔 今喪繼出民之力役出賦之數靡有限量雖知其事之不可已而愍愍然不能自遂者又何可盡言在羣下固不敢有所仰請而自 上特下惻怛之教 國葬山陵兩局諸事務為適中勿尚侈大一分撙節所惠必多俾內外窮困之民益感我 殿下軫恤之盛德則亦豈



非合天理順人心而為弭災消變之一助乎今之言者皆以南倭西虜為憂然自古變故多出於意慮之外人君之所可畏者莫過於民出國家每有一事奉行之臣不能善處百姓之內懷怨怒而不敢逞者久矣思亂之心囂然未已聞有恠事則鋪張增益互相煽動民心之搖慘於敵國非過論也伏願 殿下戒之戒之臣等學昧正事心切格王不任芹曝之誠妄陳芻蕘之說慚惶悚廔不知所裁取 進止



清陰先生集卷之十九



清陰先生集卷之二十

疏劄十六首

代洪右相讓官劄丙子春

伏以臣駑劣謏薄最居人後為養急仕幸竊科第  
蚤事先朝榮顯踰分逮遇聖明寵渥彌隆無  
可紀之勞而再叅勲籍以不似之才而累玷匪據  
未補涓塵只招謗議獲保性命以至今日秋毫皆  
聖恩也揣分量已固當退處而感激洪私未忍  
便決不意拔擢之命遽出夢寐之外慚惶震越  
若墮淵谷伏惟聖上啓中興之運值多事之日



相職之難百倍他時一策之善可以救危亂之機  
一令之誤足以致傾覆之端所宜簡求賢德以備  
贊襄上以答 祖宗付託之重下以副黎庶拯濟  
之望其所係輕重為如何哉臣嘗聞古人論相之  
語矣有大臣之量而無大臣之才者不可也有大  
臣之才而無大臣之望者亦不可也今臣器量淺  
狹才具冗短名論素輕環顧循省一無可稱此非  
臣自謙之辭實國人之所共知也矧今 因山未  
卜事多難斷必須高識重望折衷於羣疑之際者  
乃可以毋負 聖上委任之意如臣比萬萬不近



伏乞 聖明曲察微懇旁採輿言 亟回所授以  
畀其人國事幸甚愚臣幸甚

再劄

伏以臣力綿負山惧深覆餗敢竭微誠冀徹宸  
聰伏承 聖批獎諭過隆慚惶愧悚益無所指臣  
聞人君使臣必察其才否人臣事君必審其進退  
故上無虛授之譏下無僨事之患在常日猶然況  
於艱危之時乎 殿下不知臣之不才任之太重  
臣又徒感 聖恩之重冒昧以進則上累 殿下  
則哲之明下垂微臣量已之義公私所損可勝言



哉孔子曰智小而謀大力小而任重鮮不及之臣  
實惧焉臣實懼焉伏乞 聖明諒臣非循例之讓  
察臣無辭難之心 亟允所請俾安愚分千萬幸  
甚臣當此憂戚之日無替總譴之任計度酬應不  
可以曠而危衷切迫瀆籲至再死罪死罪

大提學辭免劄同年二月

伏以臣伏奉前月二十八日 教旨以臣燕克弘  
藝兩館大提學知成均館事者臣聞 命驚惶措  
躬無地竊伏念文衡之任 國家之重選儒臣之  
至榮苟非其人不可冒居自 祖宗朝必擇望實



蕪隆為一時所重者處之其風流文采箇箇可稱  
未有一人如臣駑劣萬不近似者也臣少不讀書  
中不溫習老益昏忘見識淺駁文詞短拙疾病沈  
錮遇小製作輒自赧縮莫能構締間或代匱強効  
薄技其蕪音累氣只足以資人嗤點此乃通朝之  
所共知 聖明之所洞燭臣不敢一言虛飾以瀆  
天聽目今事 大交隣危機百出解紛息亂多賴  
辭命雖使古人當之亦未易為之討論潤色之地  
尤宜慎簡也況士風日偷詞學俱廢勸獎成就寔  
在師儒顧臣何人濫竽學官之長重貽笑侮乎愚



臣慚愧悶迫之情 天日下臨伏乞 聖明曲垂  
禹照 亟命改臣新授文衡之任以畀可堪之人  
公私不勝幸甚取 進止

再劄

伏以臣以不文謬當文衡慚懼不能自安冒陳危  
懇冀 收成命伏奉 聖諭褒予過隆非臣愚分  
所敢承當夫文章之才各有其用湛思典冊用於  
廊廟急手飛章用於軍旅諗多闢富愈出愈新用  
於館閣臣於三者未得其一若蟋蟀之鳴自鳴於  
山林草野之間則臣亦粗效顧於 昌朝大雅之



音一何寡落矧今文材不為不多已試優為固有  
其人儲侍準擬亦不易數舉以授之皆愈於臣古  
人以文人得職占文道之行臣自視缺然人將謂  
何再乞 聖明特念文衡之重更選可堪之人公  
私不勝幸甚臣無任祈懇之至取 進止

請虜書報答毋失國體劄

同月

伏以臣伏聞虜使其所賫來國書不傳徑歸我國  
所見乃勾管諸臣竊窺而傳寫者也當初渠之呈  
書也例受而例荅宜矣今既不然無挾自大過機  
不受致渠忿怒反肆倨傲輒復卑辭懇求自取侮



慢甚可歎也況渠自廢其主之命而我以私見竊  
寫者追送報札冀博原書僥倖彌縫之計 國體  
安在哉臣則以為斷然不可也且慮之所大願在  
於我 國遣使稱賀如蒙古之為而我已據義痛  
斥絕和啓釁必由於是此外區區小禮終或執以  
為言其怒實不在此也然不得已則再遣譯官諭  
以委棄君命責在渠身使渠覺悟送納原書方可  
修覆渠若終不納書自此別作一書具道其故付  
送回答使臣似為得體伏望 聖明深加睿思亟  
令廟堂更議處置不勝幸甚取 進止



西路設鎮分兵便否劄三月

伏以臣於前日 榻前妄陳謬見 殿下恕臣愚  
忠而不斥其踈狂 親降玉音謂臣之言不無可  
採臣誠感激發舒庶幾萬有一施行之望輒敢條  
列事宜仰塵 睿覽伏願 聖明垂察焉夫和之  
不可恃不待今日而後知也致兵構亂雖未能日  
月期而亦岌岌乎殆哉以國家 宗社安危之重  
待決於安州一城之勝負豈不寒心賊若踰入海  
西則事不可為也臣之愚計關西設三大鎮使都  
元帥鎮慈母城副元帥鎮鐵瓮城本道兵使鎮安



州城三分關西屬于三鎮各選屬邑軍民之精銳  
武士之勇敢者撫養訓練更代以時使自為守必  
有大益然兵少力弱難以久抗大敵有事則黃海  
之兵救慈母咸鏡南道之兵救安州北道之兵救  
鐵峯而安州受敵則慈母鐵峯共救之鐵峯受敵  
則安州慈母亦如之又擇大臣或重臣之忠蓋威  
望者駐劄平壤統御三鎮不必事事遙制而臨戰  
逗撓失律者請命而行法焉又選三南關東畿  
內兵整飭戎器緩急即召以充宿衛且如都元  
帥之兼領平安監司三鎮所屬要害之守令間許



主將薦聞亦可並議也此其大略若夫潤澤損益  
惟在廟堂深思而熟講聖明睿察而決決也或  
云計畫已晚無救然眉然臨渴之井三年之父亦  
愈於坐以待盡若遭今日之勢而母憂今之規模  
終亦末如之何也臣愚不勝懇懇之至敢此冒昧  
中聞取進止

撰教稟

旨劄

同月

伏以臣伏見政院因諫院啓辭請下哀痛之教仍  
解撰教之命槩云父老往聽將卒感泣決非依  
樣胡蘆草草文字所敢蓋欲重其事也臣竊見唐



德宗之在奉天也陸贄進言曰陛下誠能不愾改  
過以言謝天下使書詔無所避忌臣雖愚陋可以  
仰副聖情庶令反側之徒革心向化德宗然之故  
所下詔書狂悖卒聞之無不感激揮涕今臣之  
才不及陸贄萬一又未知 殿下之意以無所避  
忌為貨搦管野思不敢徃就且欲慰悅民心不可  
以空言文告其罪赦宥其弊革除等語似當入於  
頒教之中伏乞 特降明旨俾得演成絲綸臣不  
勝惶恐隕越之至取 進止

備邊有司堂上辭免劄

同月



伏以臣衰年筋力不遑供職巷議朝談實同聾聵  
昨者始聞副提學鄭蘊以其所上劄子中進駐  
松京一款備局面啓有未盡之語再上劄子至以  
王欽若之奸斥之且不知其時回啓出於臣手誤  
指李植爲言云廟堂論議固非一堂上所可主  
張然臣既忝有司之任不能贅美直臣慷慨之論  
被人詆辱固其宜也況以愚臣之故移罪於同寮  
使李植不安其職屢陳辭章而臣猶昧昧墨墨無  
一言自陳皆由臣不敏之致安所逃責夫臣之不  
合此任衆人之所共知而憫笑者雖無此事曷嘗



一日安於心乎伏乞 聖明亟命通臣無帶備邊  
司提調以謝人言以安愚分公私幸甚取 進止

內醫院提調乞通劄

同年春

伏以臣今日進詣 山陵待金井畢穿當為復

命其間日子頗多產室聽直宿及有不時議藥之  
事不可無提調臣無帶內醫院提調 亟命改差  
取 進止

元孫誕生後加資辭免劄

四月

伏以臣待罪內局提調之任日月未久寸勞未効  
至於循次八直乃是職分內事而此諸同寮亦為



最少昨蒙 聖恩特下加資之 命慚惶愧慄若  
無所措臣從前榮 寵已踰涯分內積蚊負之憂  
外招鷄梁之譏何可復膺濫賞叨陟峻階重貽  
盛朝之累乎伏乞 聖明俯諒微悃 亟回成命  
以安愚分不勝幸甚取 進止

吏曹判書辭免劄

五月

伏以臣病廢歸田獲全危喘蓬茅之內分甘沒齒  
伏承 恩旨感激還朝力疾奔走一敗塗地自茲  
以後形神日癯疾病日加無復當官塞職之望矣  
所以遲徊至此者時勢艱虞未敢便決非謂臣之



精力有可以報補萬一也是以前後忝冒到處尸位兼帶諸務並皆瘵曠謗議外來慚懼內積彷徨怵惕度日如年不意今者誤恩荐被銓衡之長又及於臣臣之不堪此任聖明夫豈不知而強委重焉有若尋常試可者然哉天官冢宰位望極隆雖朝廷和平國家無事尚不可人人冒處況此士論携貳浮議縱橫民生困悴內外板蕩之日尤不可不慎簡也審矣民生苦樂安危所係守令賢否固未易知而士類進退治亂攸分激濁揚清鑑別益難夫携貳之論固當調劑縱橫之議固當鎮



靜困悴者必使撫存振蕩者必使完復銓長得人  
則衆職修舉而國事整理士類得所而朝廷清明  
銓長不得人則欲為調劑而不辨清濁欲為鎮靜  
而不分是非姑息者謂之撫存偽增者謂之完復  
朝廷內外愈往愈亂永無清明之時安有整理之  
期乎如臣昏庸衰劣人所輕易者決不可當也伏  
願聖明深加睿思察見羣臣中公明正直德望  
才局可以鎮物濟時者面臣所授以昇其人以責  
成效國事幸甚愚臣幸甚臣不勝祈懇之至取  
進止



再劄同月

伏以臣本不才加以老病猥當重任慚懼失措上  
章自陳辭無詮次踧踖屏伏恭候 聖譴昨奉

聖批反加獎勵非臣愚分所可承當臣聞工欲善  
其事必先其利器人主如欲求賢致理亦必先擇  
公正有鑑識之人畀以銓衡使之舉其所知而及  
於其所不知之人以致彙征之吉故工人未有不  
利其器而能善其事者人主未有不擇詮官而能  
致治効者也今者 殿下深憂國事惕然改圖備  
舉六條兼許自薦 教命一下人心聳動內外遠



近莫不傾耳拭目以快聞覩此亦殿下勵精更始之一初也於此時而乃以如臣踈迂暗劣不諧世情者首居銓地則將何以副聖意而答人望乎殿下豈不以銓官之聞見有限博選廣求勢所不逮若以朝臣公薦者按簿注擬則凡人之謹慎者猶可為也雖然銓官用人猶匠用木大小長短各有其任揆揅豫章羅列交陳而拙工用之則長大者用於樽櫨短小者用於榱棟顛倒錯謬失其所宜雖有美材亦何以成大厦之功哉臣之忝冒正類於此伏乞聖明曲察微悃亟回臣新授



職名以畀可堪之人公私不勝幸甚臣憂憊惶惑  
不避畏忌瀆籲至再深增隕越之至取 進止

廉謹玷選懇乞削名疏 六月

伏以 殿下深憂世道思易弊俗俾揭庶白之表  
以為風厲之地甚盛舉也今者廟堂乃以臣名應  
選臣聞來詈愧無措繼之以驚恠嘆息也臣立朝  
四十年碌碌隨衆無一事有異於人者性且懦弱  
不能自守素志因循舊習既悔復行跡流心滯非  
介非通此同朝之所共知街巷之所共議臣雖欲  
竊取義名以欺 朝廷內愧於心外慚於人入官



府行道路何以為顏對朋友臨喪何施眉目雖  
然此則特以臣身所自處者言之至於朝家稀  
濶之典以臣而玷累中外拭目之望以臣而虧缺  
臣雖無狀決知其不可當也伏乞聖明曲垂  
照察臣非一毫飾讓之意 亟命除去臣名於秋  
啓之中以重盛典以安愚分臣不勝激切屏營  
至謹昧死以聞

吏判三告加由後本職及加資辭免劄七月

伏以臣本駑劣加以衰敗昏耗不能當衡鑑之任  
人所共知也適因氏匱猥蒙聖恩再陳危懇終



未獲 命冒昧出仕若負重罪同寮多曠累專政  
席遶東不精招謗已多雖無疾病亦宜蚤退以避  
賢路也況臣筋力日瘁精神日減百體無堪五官  
不效闔眼屏息如將就木顧此形觀已非供世之  
具而又於夢寐之外誤被千萬不近似之名益自  
愧縮無樂在世直欲象面入山而不可得臣之情  
事可謂急矣伏乞 聖明俯垂高照曲察微衷  
亟許遞臣本職及無帶並 收新授加資之命以  
安愚分臣重念三告加由寔出 異數人臣分義  
固知不敢更瀆而區區悶迫之懷自不能已復此



煩籲臣之罪戾益無所逃尤不勝悚慄祈祝之至  
取進止

科舉罷場變通革弊劄

同月

伏以臣伏聞昨日監試二所舉子等驅逐試官竟  
至罷場因此特下覆試時減數試取之教夫無  
前之變當以無前之事應之革弊習杜亂萌斷不  
可已聖慮所及可謂深矣然臣愚意大比之舉  
不滿其額則不能備科舉之體設科而不備其體  
縱繇於士習之不靖亦國家莫大之欠典也臣  
伏見吏報一所初場收卷之數一千二百七十道



云終塲所製多少想亦未甚相遠臣竊記承平時  
監試兩所通策成篇不過一千四三百道今茲篇  
數比平時幾及之雖於二所合取二百人必無不  
足之患宜就其中兩試各加取一百人以補二所  
應取之數分赴會試俾滿常額似為便當雖非經  
常之道處變權宜之策無以外此矣請 令該曹  
斯速定奪且臣待罪文衡兼長國子不能訓迪多  
士有此駭異之事不職之責臣安得逭乞 賜鑄  
免臣文衡之任以重教習之職不勝幸甚取 進  
止



吏曹判書三告加由後辭職乞退疏八月

伏以臣猥以駑朽叨荷重任上之不能出入  
經  
惺陳誠正之學以補 君德次之不能秉鑑持衡  
恢公明之道以盡人才下之不能取信於人每行  
一事輒惹謗議臣之請急寔出於不獲已而未

賜鑄免反

加異數臣誠悶迫不知所處臣之情

勢略已塵瀆而抑臣所大惧者人情多變險途難  
盡不測之機發於纖介無形之事勒成證據日月  
之光不照平生之志未白橫被永永不可磨之玷  
累也何則臣伏聞近日傳播之說俞伯曾於 巡



中論趙絅不當拿問且曰左相素乏廉聲絅言不為過若證佐其前後所指者然曰歷陳其父與左相親厚之事以自顯其抗直無私臣聞來不覺傷歎之至洪瑞鳳非有秉權誤國欺君病民之罪只以顯言趙絅心術不正之狀而未有以處也絅自疑左相方居相位進退賢邪乃其職恐遽為上聞而不能為之地會有諫官之除乘時躍出摺撫無實之談巧為先發制人之圖不議於同僚不通於臺官徑進封章有若上急變者計欲一刺洞貫其心可謂慘矣俞伯曾若為公道慮後弊則只




舉事體論救趙綱左相是非一付之公議可也而  
必於其父之所親厚者落井下石沽直自名推是  
心也其終不可量已然此亦有所以也 殿下深  
惡朋黨之習每聞要名立異之論謂其真是無黨  
之人過加 寵擢以廣其路傾危之徒急於進取  
索人愆尤為已階梯顧不足以破朋黨振公道而  
適使人心益壞世道益薄馴致貪利患得意欲無  
厭則其為國家之憂豈獨在於分朋角立之患哉  
臣竊懼焉臣竊恥焉自念臣之踈戇愚暗不能諧  
俗者必不免於今之世伏惟 聖明遇臣下以禮



如臣老病無益者宜許早退使之安分田廬保全終始區區至願也更乞天地父母曲垂矜愍丞命適臣本職及無帶經筵文衡賓客內局備邊提調等任以遂微尚以養廉恥公私萬幸臣無任激切屏營之至謹昧死以聞

清陰先生集卷之二十











齊民要術

卷之